

## Bybelverspreiding onder ons haweloses

Baie dankie aan Helderberg Uitreik se Bybelverspreiding projek wat dit vir ons moontlik maak om Bybels aan Somerset-Wes se hawelose gemeenskap beskikbaar te stel. Alhoewel die persepsie tog bestaan dat 'n hawelose persoon nie 'n behoefte aan 'n eie Bybel het nie is dit allermens die geval en is hulle opreg bly om 'n eie Bybel te besit. Ons ervaar dit weekliks wanneer ons saam met 'n groepie by Thomas House of Hope Bybelstudie doen.

Die Somerset-Wes Nag- en Familieskuiling word letterlik oorlaai met allerlei skenkings, maar ongelukkig word Bybels selde geskenk en daarom is Helderberg Uitreik se Bybelverspreiding projek van onskatbare waarde om ook by hierdie twee instansies die evangelie uit te dra.

Annemarié Hollenbach  
nms Omgee-gemeente  
Augustus 2024



Een van ons Familieskuiling lidmate ontvang 'n bybel by Annemarié.

Uit Helderberg Gemeente se Helder nuus van 21 Augustus 2024:

## Bybelverspreiding

Bybelverspreiding (BVS) is 'n projek wat God se Woord aan mense oordra deur 'n Bybel aan hulle te gee. Die afgelope jaar het ons projek oor die 700 Bybels versprei, waarvan die meeste Afrikaans was (sien tabel vir meer statistiek).

BVS strewende daarna om soveel as moontlik Bybels aan mense in hul moedertaal te versprei en daarmee saam God se liefde en hoop. Neem ook kennis daarvan dat ons gebruikte Bybels ontvang en weer versprei, so bring asseblief jou ekstra Bybels vir ons.

Kontak my gerus indien jy Bybels benodig vir verspreiding ek help graag, by die kerkkantoor (021 851 5582) of e-pos [ontvangs@nghelder.co.za](mailto:ontvangs@nghelder.co.za)

Seënwense  
Grazie Beets

*(Grazie werk by Helderberg Gemeente se Ontvangs deur die dag so jy kan sommer daar by haar die Bybels inhandig of koop.)*